

Հայեաց յերկիր և ցերուցուն անդունդք փառաց Պետականիդ ,
Մի ևեթ արա ակնարկ և վրէժ անուանդ ելցէ 'ի յանդ .
Զի եթէ դու ես զօրավիգն՝ ով ժպրհնացի իշխել ընդդէմ :
Զայն 'ի յերկնից ծաւալեցաւ . տեառնահաճոյ է սուրբ նուէրն .
Դաշտք Արտազուն , յաւէժ վրկայք լերուք փառացն աստուածայնոց .
Եւ դու Կամար հաշտից ներկեալ 'ի սուրբ արիւն վարդանանց՝
Մեզ լուսափայլ պայծառացիր յաւիտենիս այսր 'ի խաւար :

Ե. Ա. Թ.

Շ Է Ք Ս Բ Ի Ր

Մ Ա Կ Բ Ե Թ Ո Ղ Բ Ե Ր Գ Ո Ի Թ Ի Ի Ն¹

Հ Ա Ն Դ Է Ս Ե Ր Կ Ր Ո Ր Դ

ՏԵՍԻԼ Ա

Ինվանես . — Գաշի ի Դղեկին :

Մտանեն Բանքոյ և Փլեանդէ , յառաջելով Սպասաւորի ջահ ի ձեռին :

Բանքոյ ,

Մանուկ , որ պահ է գիշերոյս :

Փլեանդէ

Եմուտ լուսին , ոչ լուայ զժամն :

Բանքոյ

Լուսինըն մըտանէ ըզհասարակ գիշերաւ :

Փլեանդէ

Կարծեմ , տէր , թէ անագան ևս իցէ :

Բանքոյ (Առ Սպասաւորն) .

Կա , ան զսուրն իմ : —

Ագահեն մեզ երկինք . շիջեալք են բնաւ լոյսը նոցին : —

¹ Տես Դ Պրակ , յէջ 339 :

Կալ և զայս : — Ի վերայ իմ իրրե կապար ծանրանայ
Թանձրը քուն , և սակայն չկամիմ ի քուն մըտանել :
Զօրութիւնք երկնից գըթածք , փարատեցէք ի մոացս
Ըզխորհուրդըս չարիմացըս՝ զոր բնութիւն բերէ ի քուն : —

(Մտանէ Մակրէք Սպասաւորաւ որ կրէ չաւն ի ձեռին) :
Տուր ինձ ըզսուսերն իմ : — Ո՛ր իցէ անդ :

Մակրէք

Մտերիմ որ :

Բանքոյ

Եւ զի՛նչ իցէ այս , տէր , դեռ ո՛չ հանգեար ի քուն . նընջէ արքայ :
Քան զսովորն էր նա զլւարթ . մեծապարզէ մեծարեաց
Ըզժառայս քո : Եւ զադամանդս այս առաքէ տիկնոջ քում ,
Ողջունեալ ըզնա յանուն քաղցրահամբոյր վանատուի .
Եւ համբուն գոհ՝ մեկնեցաւ :

Մակրէք

Յանպարտաստի գոլով մեր՝

Յօժարութիւն մեր ի հարկէն ներգւեցաւ , ապա թէ ոչ՝
Գործէաք այլազգագոյն :

Բանքոյ

Բարւոք եղև ամենայն : —

Յերազեցայ զերեսին քորս բախտին յանցեալ գիշերի ,
Որոց բանքն ըզքէն թըւին ոչ ի դերև ելանել :

Մակրէք

Ոչ եւ խորհիմ ըզնոցանէ : Այլ երբ զըտցուք ժամ դիպող ,
Քաղցր է ինձ , թէ հաճեսցիս , ժամ մի խօսել զիրացս այս :

Բանքոյ

Որպէս կամիսդ :

Մակրէք

Թէ կամեսցիս միաբանել ընդ խորհուրդս իմ՝
Յելանել նոցին ի զլուխ՝ հասանիցէ քեզ պատիւ :

Բանքոյ

Միայն թէ մի կորուսից զիմն՝ առաւելու տենչալով,
Եւ զսիրտ իմ ազատ՝ և սուրբ զհաւատս առ տէրն իմ պահեցից,
Ապա զիջայց ի կամբս քո :

Մակրեք

Իսկ արդ բարի քեզ զիշեր :

Բանքոյ

Շնորհակալ լինիմ քեզ, տէր, և ըզնոյն զայն մաղթեմ քեզ :
(Ելանեն Բանքոյ և Փրեանդէ) :

Մակրեք (Առ Սպասաւորն)

Երթ , ասա տիկնոջ քում, առնել ինձ ազդ զանգակաւ
Յորժամ պատրաստ իցէ՝ մպեղին իմ. ապա գնա ի նընջել : — (Ելանէ Սպասաւորն) :
Միթէ դաշոյն է զոր հանդէպ իմ տեսանեմ, որոյ դաստ
Շըրջեալ կայ յիմ ձեռնն կոյս : Օ՛ն, եկ զի բուռն գբէն հարից :
Չեմուտ ի ձեռս իմ ինչ, սակայն ես ըզքեզ յար տեսանեմ :
Է՛ր, տեսիլ աղիտաւոր, ոչ ազդիցես շօշափելեաց
Որպէս աչաց : Կամ թէ ստեղծուած մըտաց դաշոյն իցես լոկ,
Սուտ երկունք ցնորեալ ուղղոյ : Դեռ ևս ըզքեզ տեսանեմ
Բա՛լ ազդելի իմնն ձեռով, իբր այն զոր արդ մերկանամ :
Յուցանես դու ինձ զուղին, ընդ որ հարկ է ինձ երթալ . —
Եւ զայսպիսի էր ինձ արժան գործի ի կիր արկանել : —
Կամ այլոց ըզգայութեանց կացին աչք իմ խաղալիկ,
Կամ թէ իմ աչք զամենեքումք միահամուռ զլեն զնոքոք :
Տեսանեմ ես ըզքեզ միշտ, յերախակալդ և ի սայր
Շիթս արեան՝ որ նախ չէին : — Չէ և չէ ինչ ճամբիտ .
Այլ խորհուրդք իմ արիւնդուշտք ես, որ այսպէս յաչս իմ յայտնեն : —
Այժմ ի վերայ կէս աշխարհի՛ թըլի բնութիւն անկենդան .
Եւ երազք անդհականք պատրեն ըզքունն ընդ սրահակօք :
Այժմ վըհուկք նուիրեն ըզգոհս իւրեանց տըժգոյն հեկատեայ .
Եւ ծիրեալն ըսպանութիւն՝ ըզգաստ եղեալ ի դայլոյ
Յիւր պահակէ, ոյր կաղկանձիւն ձայն ազդարար է նըմին,
Գաղտագնաց ծածկեալ ըզքայլս, իբր առեանկըն Տարկութնոս,
Թառա՛լ խաղայ որպէս ըստուեր ի կատարումն գործոյն : —
Ո՛վ երկիր տրամ և անշարժ, լիջիր դու խուլ առ ոտս իմ,
Թո՛ւլ ուրեք և երթիցեն, զի մի և մէմք պատմեսցեն

Ուր երթամ, և զգիչերոյն նըւազեսցեն արհաւիրս
 Որ նըմին յոյժ 'ի դէպ գայ : — Մինչ ըսպառնամ ես, կեայ նա : —
 Յըրտաբան շունչ խօսից սառուցանէ զարարուածն : — (Հնչէ զանգակ :)
 Երթամ. յեա սակաւուց կատարեսցի ամենայն :
 Զանգակս այս տայ ինձ նըշան : Դու մի լսեր զայն, ով Դունկան,
 Զի հընչիւնս այս կոչէ ըզքեղ յերկինս կամ 'ի դժոխս : (Ելանէ :)

ՏԵՍԻՒ Բ

Նոյն :

Մտանէ Տիկին Մակրէք :

Տիկին Մակրէք

Որ զնոսին սրարբեցոյց՝ նոյն ձեռներէց զիս արար .
 Որ շիջոյցն ըզնոսին՝ նոյն զիս վառեալ բորբոքեաց :
 Լըւիցհրէ . . . Խաղաղութիւն : Ահա բուրձակըն գուծեաց .
 Հըսկող ժանտ, որ զսըգաւորըն տայ զողջոյն գիչերոյ : —
 Մակրէթ ձեռն 'ի գործ առնէ . բաց են գըրունքն, և ծառայք
 Ի գինու՞ զեղխեալք զպաշտօնս իւրեանց հենգնեն խորդալով :
 Ի բաժակըս նոցին ես այնպիսի դեղ խառնեցի,
 Զի բնութիւն և մահ 'ի վէզ գան ընդ իրեարս թէ կեցցեն
 Եթէ արդեօք մեռցին նոքա :

Մակրէք (ի ներքոյստ)

Ո՛վ իցէ անդ : Ո՛ւր այր դու :

Տիկին Մակրէք

Եղբակ, խիթամ թէ զարթիցեն, և ոչ ի գլուխ ելցէ իրն :
 Ոչ գործն, այլ փորձ գործոյն կորուսանել կարէ զմեզ : —
 Լըւիցհրէ . . . Այնպէս կարգեալ էր իմ զգաշայնըս նոցին,
 Զի անշուշտ գըտանէր զայնս : — Եթէ արքայն ի քուն իւր
 Ոչ իմումս նըմանէր հօր, ես ինքն ըզգործն առնէի : —
 Տէր իմ : (Մտանէ Մակրէք) :

Մակրէք

Կատարեցի : — Շըշուկ ինչ ոչ լըւար դու :

Տիկին Մակրէք

Լըւայ ըզճիչ բըւոյ, և ըզհըծծիւն ծըղըղդին :
 Դու ինքնին ոչ խօսեցար :

Մակրեք

Ե՛րբ :

Տիկին Մակրեք

Այժմ :

Մակրեք

Յորժամ իջանէի :

Տիկին Մակրեք

Այ՛ո :

Մակրեք

Լճւր ինձ . ո՛ր նընջէ յերկրորդ սենեակն :

Տիկին Մակրեք

Դոնալքան :

Մակրեք (Այն արկեալ 'ի ձեռս իւր) :

Յաւազին տեսիլ :

Տիկին Մակրեք

Քանի շամբիւութեան է կոչել զայդ

Տեսիլ ջաւազին :

Մակրեք

Մին ի նոցունց ժըպտէր ի քունն .

Այլ դք գոչէր « ի սպանութիւն » , մինչև զարթնուլ երկունց իսկ :
Կացի անդ ունկըն դընել . զաղօթս իւրեանց մըրմընջեալ
վերըստին անկան ըզքնով :

Տիկին Մակրեք

Երկուք օթեալք են ի միասին :

Մակրեք

Մին աղաղակ բարձեալ գոչեաց , « Աստուած ըզմեզ օրհնեսցէ » .
Եւ միւսն « Ամէն » , որպէս եթէ տեսեալ ուրեմն էին զիս

Չեռօքս այս արիւնազանդ, զերկիւղ նոցին ըզդալով .
Ես ոչ կարացի պատասխանի առնել « Ամէն » ,
ի ձայնել անդ նոցին « Աստուած ըզմեզ օրհնեսցէ » :

Տիկին Մակրեք

Մի այդպէս առ կարեւոր ինչ համարիր զայդոսիկ :

Մակրեք

Առ իմէ չեղև ինձ մարթ ասել « Ամէն » . Ես ինքնին
Օրհնութեան ունէի պէտս , և սակայն բառս այս « Ամէն »
կառեալ մնաց ի կոկորդիս :

Տիկին Մակրեք

Ձէ պարտ այդպէս մըտայոյզ
Որոճել զայդոսիկ , քանզի ծըփումս առնեն խելաց :

Մակրեք

Թըւէր ինձ գողցես լըսել ձայն՝ որ բառնայր աղաղակ .
« Դու մի ևս այլ նընջեսցես . Մակրեթ ըզքուն սպանանէ ,
« Ըզքունն անմեղ , որ զխառնակեալ հոգոց մեր կարժ՝ առնէ կծիկ .
« Ըզքունըն քաղցրախորժ՝ զօր ամենայն կենաց մահ .
« Լոգանք՝ յետ խիստ վաստակոց . վերած հոգւոյ անոյշ իւղ .
« Երկրորդ կեանք բնութեան , կենաց անդ ի խընջոյս համադամ » :

Տիկին Մակրեք

Ձէնչ բարբանջես :

Մակրեք

Առ տունն ողջոյն աղաղակէր ձայնն անդուլ .
« Ոչ ևս այլ քուն . Գըլամիս ըսպան ըզքուն , և յայն սակս
« Կաւդոր ոչ այլ նիրհեսցէ . Մակրեթ ոչ ևս նիրհեսցէ » :

Տիկին Մակրեք

Եւ ո՞ այսպէս աղաղակէր : Ընդէր իշխանդ աղնուական ,
Վատթարես զոյժ քո՝ հիւանդ խելաց ցնորիւքդ այդոքիւք : —
Երթ խընդրեա ջուր , և լուա զբիծսըն որ ըզձեռսդ ամբաստանեն :
Առ ինչ ոչ ի տեղիս իւրեանց թողեր ըզդալոյնսդ .
Անդանօր ի դէպ է մնալ , Օ՛ն , երթ և տար զայդոսիկ ,

Եւ յարին թաթաւեա զանկեալն ի քուն սպասաւորս :

Մակրեք

Չերթամ այլ . սարսափեմ ի խորհել անդ ըզգործոյն .
վերջատին տեսանել զայն՝ ոչ , օն և օն , յանդրզնիմ :

Տիկին Մակրեք

Այր տրկար և անարի . տուր ըզդաշոյնսդ այսր առ իս :
Մըտեալքն 'ի քուն և մեռեալք՝ են լոկ պատկերք նըկարակերպք .
Աչք մանկան ևեթ պակնուն ի նըկարեալ սատանէ :
Եթէ դեռ հոսէ արին , զգէմն ծառայիցըն ներկեցից ,
Ձի նոքա համարիցին եղեռնութեանն ոճրագործք :
(Ելանէ . — Լսի բաղիսին ի ներքոստ) :

Մակրեք

Հիմ բաղիսեն : Ձի՛նչ ուրեմն ինձ եղև , զի չչուկ ամենայն
Ձիս ահիւ պակուցանէ : Որպիսի ձեռք են այսոքիկ .
Ի գըլխոյս զաչս իմ կորզեն . բոլոր ովկիան մեծ Պոսիգեան
Ի ձեռաց աստի իմոց ջընջել զարիւնս այս բաւիցէ .
Ո՛չ . այլ ձեռքս այս մանաւանդ ըզծոյն անհուն գունեսցեն ,
Եւ զկապուտակ ջուրն ի կարմիր աշխարհածով փոխեսցեն :
(Մտանէ Տիկին Մակրեք) :

Տիկին Մակրեք

Չեռք իմ են քոյոցդ 'ի գոյն , այլ զամօթի հարկանէի ,
Թէ էր սիրտս այսպէս սպիտակ : (Բաղիսեն) — Լըսեմ զբաղիսին զրանն հարաւոյ ,
Մեկնեսցուք ի յարկըս մեր . փոքրը մի ջուր լուսացէ զմեզ
Ի գործոյս . տես զի՛ դիրին : Պընդութիւն քո գըեղ եթող , (Անդրէն բաղիսեն) :
Լըսես , դարձեալ բաղիսեն : Ձցայգանոցն արկ ըզքև հանդերձ ,
Ձի մի գուցէ կոչեցեալք՝ բերցուք դէմս այնց որք չեն նիրհեալք :
Մի ուրեմն հիքաբար կար թափառիր ի խորհուրդս :

Մակրեք

Գիտեմ զիմ գործ . կամէի ոչ ևս այլ զանձն իմ ճանաչել : (Բաղիսեն) :
Ջարթիր Դոնկան ըստէպ բաղիսմամբս . ո՛ տայր թէ այսպէս լինէր :

ՏԵՍԻՆ Գ

Նոյն:

Մտանէ Դռնասպան ոք : Բաղխեն ի ներքոստ :

Դռնասպան

Արդարեւ այս իսկ է բաղխին. եթէ կացեալ էր ուրուք բարապան դժոխոց, ի վաղու ընդելացեալ էր դարձուցանել զփականսն : (Բաղխեն) : Բաղխեն, բաղխեն, բաղխեն : Ո՛վ իցէ անդ, յանուն Բէեղղբաւոյ : Վարձող ոք, որ խնդրնդ անձն արկ՝ յետ երկար ակն ունելոյ առատ հնձոց : Ի դիպող ժամու հասեր. հոգացար թաշկինակս, քանզի աստ լիցի մեզ քաջ ընդ քիրտն մտանել : (Բաղխեն) : — Բաղխեն, բաղխեն : Ո՛վ իցէ անդ, յանուն այլում սատանայի : Օ՛ն և օն, իցէ դա երկլեզու ոք, որ երգմնակուռ լեալ իցէ ընդ միւսմն ի նժարաց կշռոյ հակառակ միւսոյն, որ յայս մատնութիւն եկեալ իցէ վասն սիրոյն Աստուծոյ, այլ ոչ յաջողեալ խարդախել զերկինս : Մուտ, այր երկխօս : (Բաղխեն) : — Բաղխեն, բաղխեն, բաղխեն : Ո՛վ է անդ : Է դերձակ ոմն անգղիացի, որ չորթէ ի փռանկաձև վարտեաց : Մուտ, դերձակ, մարթ է քեզ աստ շողացուցանել զերկաթ քո : (Բաղխեն) : — Բաղխեն, բաղխեն, չիք և առ վայր մի դուլ և դա դար : Ո՛վ իցես դու : Բայց սակայն տեղիս այս կարի իմն ցուրտ է առ ի յանդի ման առնել զդժոխս : Ոչ ևս այլ կամիմ լինել դռնասպան սատանայի : Եդի ի մտի մոժանել արս ոմանս յամենայն արուեստից, արս՝ որք ընդ ճանապարհ ծաղկազուարճ երթան ի յախտենական հուր դժոխոց : (Բաղխեն) : — Ահա դամ, ահա դամ : (Բանայ գրոշն) : — Աղաչեմ զքեզ, մի մոռանար զդռնասպանն : (Մտանեն Մակդոնի և Լէնոս) :

Մակդոնի

Անագան զնացեր ուրեմն ի յանկողին, բարեկամ.
Զի՞ այսպէս տարածամու երթաս ի քուն մըտանել :

Դռնասպան

Հաւատա ինձ, տէր, զի զգինեաւ եկաք տակաւ մինչև ցերկորդ հաւախօսն. և արբենալն, տէր, երից իրաց է գրգռիչ :

Մակդոնի

Զինչ երեքն են այնոքիկ զորս արբենալն յաւէտ գրգռէ :

Դռնասպան

Եհէ, տէր. կարմութիւն քթի, քուն և մէջ : Շուայտութիւնն գրգռէ, տէր, և ոչ զրգռէ : Զարթուցանէ զփափաղն, այլ արգելու գղործն. ուստի և մարթ է

ասել՝ եթէ կարի արբենալն նենգէ շուայտութեան, Սա զարթուցանէ զայն և եղծանէ. գրգռէ զայն և ընկճէ. ամիքէ, և լքուցանէ. պահպանէ զայն և խանգարէ. համառօտ ասել, ի պատրանս արկանէ զայն 'ի քուն, և ստեալ այնմ անպատկառաբար՝ թողու լքանէ :

Մակդոշի

Կարծեմ գինւոյ քաջ ըզգըլտեալ է գրեզ յանցեալ գիշերի :

Դռնապան

Այո՛, տէր. ստեաց ինձ անպատկառաբար, այլ հատուցի նմա ըստ մատնութեանն. և զի քան զնա արուորադոյն էի, ըստ իմոց կարծեաց, թէպէտ և կոբայոյց առ ժամանակ մի զծունկս, հնարեցայ թօթալիւ զանձն իմ ի նմանէ :

Մակդոշի

Յարեաւ տէր քո : — Զարթոյց ըզնա հարուած ուռանն : Ահա գայ :
(Մտանէ Մակրեք) :

Լէնու

Բարի լոյս, ազնուական տէր :

Մակրեք

Բարի լոյս ձեզ երկոցուն :

Մակդոշի

Իշխան աթանաւոր, յարեաւ արքայն :

Մակրեք

Դեռ ևս ոչ :

Մակդոշի

Պատուիրեաց զի զարթուցից ես ըզնա վաղ քաջ յայգուն :
Գող անցեալ է ժամագիր ժամին :

Մակրեք

Ածից առ նա գրեզ :

Մակդոնի

Գիտեմ զի հոգս այս քեզ հաճոյ է , այլ և այնպէս հոգ է :

Մակքեք

Աշխատանք հաճոյականք՝ նեղութեանցն են անդորրիչք :
Ահա դուռնն :

Մակդոնի

Իշխեմ կոչել ըզնա , զի այս գործ է իմ : (Եղանկ) :

Լէնու

Թագաւորն այսօր մեկնի :

Մակքեք

Այժ , այսպէս կարգեաց նա :

Լէնու

Բազմադէպ եղև գիշերըս . ծըխահանք սննեկացն
Յորս անկեալ կայաք ի քուն՝ փլուզեալ անկան ի հողմոյ .
Եւ ձայնք հառաչանաց , ասեն , լսելի եղեն յօդս .
Նորանչան ճիչ գոյժ մահու . գուշակութիւնք շրջշրջմանց
Ի բարբառ ահագնալուր . և խռովայոյզ պատահարք .
Այն ինչ նոր ի վեր բուսեալք ի չարաշուք ժամանակիս :
Թըռչունըն խաւարին զգիշերն ի բուն յողբ ճըչէր :
Ասեն ոմանք՝ զի և երկիր ջերմասարսուռ դողացաւ :

Մակքեք

Դըժընդակ եղև գիշերս :

Լէնու

Յերիտասարդ հասակէս

Զհաւասարըն ոչ յիշեմ : (Մտանէ Մակդոնի) :

Մակդոնի

Ո՛հ արհաւիրք , արհաւիրք ,

Արհաւիրք . չիք լեզու՝ չիք և սիրտ որ բաւիցէ
Կարծեւ անգամ թող թէ բանիւ արտաբերել :

Մակրեր և Լէնոս

Ձիւն իրք են :

Մակդոնի

Ոգի ժանտ ապականիչ զսոսկալին աստ գործեաց գործ :
Սպանութիւն սեղանաղերծ այրեաց զտաճար Տեառն սուրբ ,
Եւ կորզեալ երարձ ըզկեանսն՝ որ զայն գործէր կենդանի :

Մակրեր

Ձիւն ասես , ըզկեանս :

Լէնոս

Բանք քո ձրգիւն արդեօք առ արքայ :

Մակդոնի

Օն , մրտէք ի սենեակն . ի տեսիլ նոր Գորգովայ
Կուրասցին աչք ձեր : — Մի ևս զիս հարցանէք . դուք իսկ տեսէք ,
Դուք ինքնին խօսեցարուք : (Ելանեն Մակրեր և Լէնոս) : Ջարթիք , զարթիք ի քընոյ ,
Ջանդակ դուժի հընչեցուցէք . ըսպանութիւն , մատնութիւն .
Թափեցէք ըզքուն , Բանքոյ , Դոնալքանոս , Մալկոլմ՝ դու : —
Մերժեցէք ըզքունդ այդ մեղկ , որ սոսկ պատկեր է մահու ,
Եւ եկայք նըկատել զինքն իսկ ըզմահ գլխովին :
Օն , արիք , տեսէք պատկեր մի զահաւոր դատաստանին :
Օն , ելէք , Մալկոլմ , Բանքոյ , իբր ի շիրմաց ձեր ծոցոյ .
Եւ խաղացէք իբր ուրուականս , խառնել զանձինս յայս արհաւիրս :
Ըզզանդակս հընչեցուցէք : (Հնչիւն զանգակի) :
(Մտանէ Տիկին Մակրեր) :

Տիկին Մակրեր

Առ Բն թըմբուկդ ատելի
Կոչէ զքնաւ նիրհեալս ի տան . ճն , խօսեցէք , խօսեցէք :

Մակդոնի

Ո՛վ տիկին քաղցրահամբոյր , զոր մարթ է ինձ առել քեզ ,
Ունկըն քո չկարէ տանել . բանիցն ի լուր մեռցի կին :
Բանքոյ , Բանքոյ , (Մտանէ Բանքոյ) սրախողխող եղեալ է տէր մեր արքայ :

Տիկին Մակրեք

Ո՛հ աղէտք . զի՛նչ , ի տան մերում :

Բանքոյ

Աղէտք անողորմ

Ուր և է : Աղաչեմ ըղբեղ , Մակդուրի սիրելի ,
Հակառակ խօսեալ անձին քում , և ասա , թէ չէ ստոյգ :
(Մտանեն Մակրեք և Լէնու) :

Մակրեք

Ո՛հ , իցիւ մեռեալ էի ժամ մի յառաջ քան զաղէտս այս ,
Վըճարեալ էի ըզկեանս իմ երջանիկ և օրհնեալ :
Զի ժամէ աստի չիք ինչ ի կենցաղումս հաստատուն ,
Ամենայն՝ մանկըւոյ խաղք . փառք , ուղղութիւն մեռեալք են .
Գինւոյն կենաց սպառեալ՝ գիրտ լոկ մնայ ի յարկիս :
(Մտանեն Մակդուր և Դոնալդսոն) :

Դոնալդսոն

Ո՛ւմ են աղէտք :

Մակրեք

Քեզ ինքնին , և տակաւին զանխո՛ւ իցէ այն ի քէն :
Աղբերակն՝ յորմէ բըղխեաց արիւն քոյին , դադարեաց .
Եկաց աղբիւրն այն :

Մակդուրի

Ըսպանեալ եղև հայր քո , տէր արքայ :

Մակդուր

Ո՛հ , յորո՞ց :

Լէնու

Սենեկապանքն , որպէս թըլի , խողխողեալ են .
Զեռք նոցուն և դէմք յարիւն էին մածեալ բովանդակ ,
Որպէս և դաշոյնքն ի մնարս նոցին անջինջք դեռ կային .
Հայէին պըշուցեալ ականողեզք մոլեգին ,
Ըղիկանըս մարդկան չէր արժան նոցա հաւատալ :

Մակբեթ

Ո՛հ , որպէս զրզկանամ ընդ զայրոյթս իմ , որ մըղեաց զիս
Սպանանել ըզնոսին :

Մակդոնի

Առ ի՞նչ դու զայն արարեր :

Մակբեթ

Ո՛ւմ իցէ մարթ ի նմին ժամու լինել մտացի ե խելաշուրջ ,
Հանդարտ ե կատաղի , անկեղծաւոր ե անփոյթ :
Սէրն ուժգին յուսահատեալ կափոյց զդանդաղ աչս իմ մըտաց :
Աստ անկեալ կայր Դունկանոս . արժաթափայլ մորթ մարմնոյն
Թոսկեգոյն յեռեալ արին . ե հաստոյր վէրք իւր պատառեալք
Սոսկալի խրամատք բնութեան , ընդ որ մտանեն աւեր ե մահ :
Անդ էին սպանիչք ի թոյր ներկեալք գործոյն ժանտութեան ,
Եւ անգութ նըրանք նոցին՝ յարեան մածեալք ցերախակալս :
Ո՛ւռնելով սիրտ սիրալիր , ե ի սըրտին արութիւն
Թայտնելոյ զիարդ սիրէն , կարէր ըզձեռն արգելու :

Տիկին Մակբեթ

Հանէք զիս աստի ի բաց :

Մակդոնի

Մակբեթ տիկնո՞յ ձեռն տուք :

Մակդոնի

Ընդէր է կալ մեզ անբարբառ , որոց յաւէտ քան այլոց
Անկ է հոգ այսըր գործոյ :

Դունկան

Ո՛հ , զի՞նչ ունիմք ասել աստ
Ուր ձախող ճակատագիր մեր յամենայն ի ծակուց
Մարթ է գրոհ տալ ի մեր վերայ ե ածել զմեզ ըզբըռամբ :
Օ՛ն , ի բաց դնացուք , չեւ հասեալ է ժամ մեր լալեաց :

Մակդոնի

Եւ ոչ մերկանալոյ վըջտաց մերոց սաստկութիւն :
ՊԻՐԱՅ Ա .

Բանքոյ

Տիկնոջն հոգ տար : (Տանին արտաքս գծիկին Մակրեք) :
Եւ յորժամ քողարկեսցուք զմերկութիւն
Ապիկար մարմնոյս մերոյ , ում ֆնասեն օղբ ի պարզի ,
Ի մի վայր համախըմբեալք քննեսցուք զգործս արինուուչս ,
Մինչ ցըլտորս քողախընդրեալ : Ահ և կասկած յուզեն զմեզ :
Սակայն ես ապաւինիմ յամենազօր ձեռքն Տեառն ,
Եւ այնու 'նդ. ծածուկ խորհուրդլս մատնութեան եգից մարտ :

Մակրեք

Արարից և ես ըզնոյն :

Ամենեքին

Նոյնպէս և մեք բոլորեքին :

Մակրեք

Երթիցուք զգեստաւորիլ ըստ պատշաճի , և ի սրահի
Միաբան ժողովիցուք :

Ամենեքին

Օրինակ զայդ արասցուք :

(Ելանեն ամենեքին , բաց ի Մալկոյմայ և Դոնալքանայ) :

Մալկոյմ

Ձինչ առնել կամիցիս դու . սոցա կըցորդ մի լիցուք :
Յուցանել ցաւ զոր ըզգայ ոք ոչ խաբուսիկ մարդոյ է գործ .
Ես յԱնգղիա երթամ :

Դոնալքանոս

Եւ ես յիւլանտա : Բախտք մեր անջատք
Ձերծ ևս լիցին : Աստ և ի ժպիտս անգամ սուսերք դարանին :
Կըցորդագոյնն արեան , ըզնոյն երազագոյն է ի հեղուլ :

Մալկոյմ

Նետըն ձրդեալ 'ի սպանողէն չէ 'ի նպատակն հասեալ դեռ .
Ջգուշագոյն մեզ գործ լիցի խուսել փախչել յայնմանէ :
Հապա , ձի կալցուք , թողեալ ի բաց զողջոյնս հրաժեշտի .
Այլ մեկնիցուք . օրէն իմն է աւազակին ճողապրել զանձն ,
Թորժամ ոչ ևս ունիցի ակընկալիս թողութեան :

ՏԵՍԻՆ Դ

Արտաքոյ քան զղղակեմ :

Մտանենն Ռոսսէ և Երեք ունն :

Երեք

Եթանասուն ամս յիշեմ ես , և յայսքան ձիգ ժամանակի
Տեսի ժամս ահաւորս և իրս ահեղ նորանշանս .

Այլ գոյզն ինչ են առ այսու զարհուրագին գիշերաւ :

Ռոսսէ

Ո՛հ , բարի ծեր , տեսանես զի սըրտմըտեալ իմն երկինք՝
Ընդ մարդկան գործս՝ ըսպառնան արինըռուշտ տեսարանս :
Ժամացոյց զայդ գուշակէ , սակայն գիշեր խաւարչուտ
Հեղձամահ շիջուցանէ զսաղապաճեմըն լամբար :
Յայդ իշխէ , եթէ արդեօք արեւ շիկնի դարձ առնել ,
Ձի խաւար տիրապետեալ ունի զերեսըս երկրի ,
Մինչդեռ լուսոյն կենաց ի դէպ էր զնա համբուրել :

Երեք

Այդ արտաքոյ է բնութեան , որպէս և գործն որ եղև .
Բազէ մի՛ որ սլանայր յօղս , յանցեալ երեք շաբաթուոյ ,
Խորխտապանծ ընդ խոյանս իւր բարձրաթուիչ հոլաթեւ ,
Ի մըկնակեր բըւոյ անկեալ մազիլս եղև գիշատեալ :

Ռոսսէ

Եւ երիվարք Դունկանայ (նորատեսիլ իրք և ստոյգ) ,
Գեղեցիկքն և ճեպընթացք , յաղգըս իւրեանց լաւագոյնք ,
Ամեհացեալք առաթուր խորտակելով զսպաստանս ,
Ընթացան պախուցաթափ , գոգ ընդ մարդկան մարտ մըղել :

Երեք

Լըւայ և ես ասել եթէ կերան նորա զմիմեանս :

Ռոսսէ

Ականատես այդմ և ես՝ ի պակուցումն աչաց իմոց : (Մտանէ Մակդոնի) :
Աւասիկ բարին Մակդուփ : Իսկ արդ ուրեմն մըպէս կան իրքն :

Մակդոնի

Եւ գուք ոչ տեսանէք :

Ռոսսէ

• Ե՛կն յերևան ոճրագործն :

Մակդոնի

Նոքին իսկ են զոր սպան Մակբեթ

Ռոսսէ

Օ՛ր չար . դոքա զի խնդրէին :

Մակդոնի

Հրապուրեալ էին նոքա : Դոնալդանոս և Մալկոլմ,
Երկու որդիք արքային , անհետ եղեն և փախեան ,
Եւ այս գործ ըզնոսա կասկածելիս իմն առնէ :

Ռոսսէ

Ահա և այդ գործ ընդդէմ բնութեան . Շըռայլ գողտղութիւն ,
Որ յառաջ քան ըզդէպ ժամ սպառեալ ծախէ զբարիս իւր : —
Թէ այդպէս իցէ , թըւի եթէ Մակբեթ ելցէ ի գահ :

Մակդոնի

Արդէն ի նոյն հրաւիրեցաւ , և թագ կապել զնաց ի Սկոնէ :

Ռոսսէ

Ո՛ւր է մարմին Դունկանայ :

Մակդոնի

Տարեալ եղև ի Կոլմէսքիւ ,
Ի տեղին սուրբ՝ ուր ոսկերք իւրոց նախնեաց պահեալք կան :

Ռոսսէ

Երթա՞ս և դու ի Սկոնէ :

Մակդոնի

Ոչ , քեռորդի , այլ ի փիփէ :

Ռոսսէ

Քաջ է . այլ ես զնացից :

Մակդոնի

Իցիւ և զիրան յաջող տեսանէիր : —

Ողջամբ մնա : Եւ կարծեմ եթէ հնոտի ըզդեսաք մեր
Քան ըզնորս իցեն հեշտինք :

Ռոսսէ (Առ Ծերուն)

Ողջ մընասցիր , այր բարի :

Ծեր

Օրհնութիւնք երկնից ընդ ձեզ , և 'նդ այնոսիկ որ ջանասցին
Ի բարի փոխել ըզչարն և զթըշնամիս ի բարեկամս : (Ելանեն) :